

STATUT

AUSTRALSKA UNIJA BOSANSKOHERCEGOVAČKIH ASOCIJACIJA AUBHA

I. OSNIVANJE I CILJEVI

Član 1.

Naziv inkorporirane asocijacije je Australaska unija bosanskohercegovačkih asocijacija (u daljem tekstu "Asocijacija"). Naziv Asocijacije na engleskom jeziku je Australian Union of Bosnia and Herzegovina Associations. Skraćenica Asocijacije na oba jezika je AUBHA.

Član 2.

Asocijacija će odmah po osnivanju biti inkorporirana prema propisima jedne od saveznih država Australije, a u roku od šest mjeseci će biti registrovana i na nivou cijele Australije. Asocijacija će imati zvanični pečat, grb i memorandum.

Član 3.

Ciljevi Asocijacije su da omogući saradnju, koordinaciju, te usklađeno djelovanje po pitanjima od zajedničkog interesa za udruženja (organizacije, klubovi, sekcije, škole...) u Australiji čije se članstvo primarno sastoji od osoba porijeklom iz Bosne i Hercegovine.

Članstvo u Asocijaciji će biti otvoreno za sva udruženja opisana u prethodnom stavu čiji programi i aktivnosti odražavaju poštivanje principa nezavisnosti, suvereniteta i teritorijalnog integriteta Bosne i Hercegovine kao i ciljeva Asocijacije.

Član 4.

Aktivnosti Asocijacije će biti usmjerene ka:

- Očuvanju bosanskohercegovačke kulture, tradicije i vrijednosti unutar bosanskohercegovačke zajednice u Australiji;
- Promociji interesa te zajednice i Bosne i Hercegovine u Australiji;
- Jačanju obrazovnih, poslovnih, kulturnih i sportskih veza između Bosne i Hercegovine i Australije; te
- Razvijanju zajedničkih pristupa, nastupa i strategija prema vladinim i drugim institucijama u Australiji i Bosni i Hercegovini po pitanjima od posebnog značaja za njene članice.

Asocijacija može odlučiti da provodi i druge aktivnosti koje su u skladu sa ciljevima iz prethodnog člana.

II. ČLANSTVO I ZASTUPANJE

Član 5.

Udruženje koje pristupi Asocijaciji prije zvaničnog osnivanja, odnosno 25. novembra 2013. godine, će to uraditi na osnovu pisane izjave dostavljene u skladu sa pravilima tog udruženja.

Član 6.

Udruženje koje želi pristupiti Asocijaciji nakon zvaničnog osnivanja može biti primljeno u članstvo na osnovu pisane molbe dostavljene u skladu sa pravilima tog udruženja. Molba mora sadržavati naziv udruženja, približan broj članova, identitet nosioca izvršnih funkcija, datum osnivanja ili inkorporacije, te opis ciljeva i aktivnosti udruženja. Asocijacija će odluke o svim takvim molbama donijeti u roku od 30 dana od podnošenja istih.

Član 7.

Svako udruženje će u Asocijaciji predstavljati jedna osoba (u daljem tekstu "Predstavnik") koji će biti delegiran u skladu sa pravilima tog udruženja, pod uslovom da Predstavnik mora biti član udruženja koje ga delegira i imati izvršna ovlaštenja od istog za potrebe djelovanja u Asocijaciji. U slučaju smrti, povlačenja ili ostavke Predstavnika, odnosno prestanka članstva te osobe u udruženju koje ga je delegiralo, relevantno udruženje će u roku od 30 dana delegirati novog Predstavnika.

Član 8.

Udruženje može biti odstranjeno iz članstva u Asocijaciji ukoliko takav prijedlog zvanično uputi većina Predstavnika a potom ga podrži najmanje 4/5 Predstavnika. Između upućivanja prijedloga i glasanja o istom će proći najmanje 30 a najviše 60 dana, a udruženju čije je odstranjivanje predloženo će biti dat rok od najmanje 15 dana da se zvanično izjasni o tom prijedlogu.

III. IZVRŠNO DJELOVANJE

Član 9.

Predstavnici će iz svojih redova izabrati jednog Koordinatora i jednog Sekretara, a koji neće biti iz iste savezne države.

Predstavnici mogu uspostaviti i druge izvršne funkcije, trajnog ili privremenog karaktera, po potrebi, te iz svojih redova imenovati nosioce istih.

Izvršne funkcije privremenog karaktera mogu se uspostavljati za potrebe konkretnih pojedinačnih projekata i ne mogu trajati duže od šest mjeseci.

Član 10.

Mandat nosioca svih izvršnih funkcija trajnog karaktera, uključujući Koordinatora i Sekretara, je dvije godine. Niko ne može biti izabran na istu izvršnu funkciju trajnog karaktera dok ne proteknu dvije godine od isteka mandata. Niko ne može obavljati izvršne funkcije trajnog karaktera duže od četiri godine uzastopno. U takvim slučajevima osoba neće moći biti birana ni na jednu od takvih funkcija dok ne proteknu dvije godine od isteka posljednjeg mandata.

Nosioci izvršnih funkcija mogu biti smijenjeni ukoliko takav prijedlog zvanično uputi većina Predstavnik a potom ga podrži najmanje 4/5 Predstavnik a. U svakom takvom slučaju Predstavnik i će u roku od 30 dana iz svojih redova izabrati novog nosioca te izvršne funkcije.

Smjena nosioca izvršnih funkcija neće podrazumjevati i njihovo odstranjivanje kao Predstavnik a. Samo svako pojedinačno udruženje može povući svog Predstavnik a iz Asocijacije u skladu sa svojim internim pravilima.

Član 11.

Koordinator će osigurati provođenje aktivnosti i ostvarivanje ciljeva Asocijacije na osnovu i u skladu sa odlukama Predstavnik a, te vršiti sve druge aktivnosti za koje ga zaduže Predstavnik i. Koordinator će o svim aktivnostima redovno i detaljno informisati druge Predstavnik e.

Član 12.

Sekretar će voditi arhivu Asocijacije, distribuirati drugim Predstavnik icima sve materijale vezane za rad Asocijacije, redovno se informisati o svim grantovima i drugim vidovima pomoći i o tome obavještavati druge Predstavnik e, pripremati dokumentaciju za apliciranje za iste za potrebe Asocijacije, voditi registar svih članica Asocijacije i kontakt podatke svih Predstavnik a, te vršiti sve druge aktivnosti za koje ga zaduže Predstavnik i.

Sekretar će također vršiti sve dužnosti Koordinatora u slučaju odsustva ili spriječenosti Koordinatora da iste obavlja, kada ga za to ovlasti Koordinator ili Predstavnik i.

Član 13.

U slučaju odsustva ili spriječenosti i Koordinatora i Sekretara, Predstavnik i mogu ovlastiti jednu osobu iz svojih redova da vrši dužnosti Koordinatora i Sekretara, ali ne duže od 60 dana u bilo kom šestomjesečnom periodu.

IV. ODLUČIVANJE

Član 14.

Ukoliko ovim Statutom nije eksplicitno drugačije propisano, sve odluke Asocijacije će zahtijevati saglasnost najmanje 3/4 Predstavnik, pod uslovom da niti jedna odluka neće biti usvojena ukoliko za nju ne glasa barem jedan Predstavnik iz najmanje tri savezne države.

Razmatranje svih prijedloga kao i samo glasanje će se u pravilu obavljati elektronski, putem e-mail sistema komunikacije. Ukoliko ovim Statutom nije eksplicitno drugačije propisano, svaki Predstavnik može predložiti glasanje o bilo kojem pitanju iz domena rada Asocijacije tako što će uredno pripremljen prijedlog dostaviti svim drugim Predstavnicima. Glas svakog Predstavnik će biti validan ukoliko ga taj Predstavnik putem e-mail poruke dostavi svim drugim Predstavnicima.

Predstavnici će ulagati maksimalne napore da se susretnu barem jedanput svake dvije godine. Sekretar će sve odluke koje se donesu na takvim susretima, kao i rezultate glasanja, proslijediti svim drugim Predstavnicima putem e-mail sistema komunikacije u roku od 15 dana od glasanja.

V. FINANSIRANJE

Član 15.

Asocijacija će odlučiti o izvorima svog finansiranja, te može poduzimati radnje neophodne za te potrebe.

Član 16.

Sva imovina i prihodi Asocijacije će biti korištena isključivo za potrebe ostvarivanja njenih ciljeva i aktivnosti preciziranih ovim Statutom, a niti jedan dio istih neće biti distribuiran direktno ili indirektno članicama Asocijacije ili Predstavnicima osim za potrebe kompenzacije za troškove stvorene u ime Asocijacije.

Član 17.

U slučaju da Asocijacija bude raspuštena sva preostala imovina i prihodi Asocijacije će nakon njenog raspuštanja i isplate svih preostalih dugova i troškova biti dodijeljeni nekoj drugoj organizaciji sa sličnim ciljevima koja ne djeluje za svoj ili profit svojih članova.

VI. PRELAZNE I ZAVRŠNE ODREDBE

Član 18.

Asocijacija može biti raspuštena ukoliko takav prijedlog zvanično uputi većina Predstavnik a potom ga podrži najmanje 4/5 Predstavnik a.

Član 19.

Amandmani na ovaj Statut mogu biti usvojeni ukoliko takav prijedlog zvanično uputi većina Predstavnik a potom ga podrži najmanje 4/5 Predstavnik a. Amandmani ne mogu biti ulagani na bilo koju odredbu ovog člana.

Član 20.

Niti jedna odredba ovog Statuta neće biti tumačena na način da zabranjuje ili na bilo koji način limitira pravo pojedinačnih članica Asocijacije da se dodatno udružuju u skladu sa geografskim ili bilo kojim drugim (sportskim, kulturnim, obrazovnim...) kriterijima.

Član 21.

Ovaj Statut će stupiti na snagu nakon što najmanje 10 udruženja iz najmanje tri savezne države pristupi Asocijaciji, ali ne prije 25. novembra 2013. godine.